

Na osnovu članova 13. i 33. Zakona o osnivanju Nezavisnog operatora za prijenosni sistem u Bosni i Hercegovini ("Službeni glasnik Bosne i Hercegovine", broj 35/04), člana 25. Statuta Nezavisnog operatora sistema u Bosni i Hercegovini ("Službeni glasnik Bosne i Hercegovine", broj 89/16 i 84/18) te u skladu sa pravilima i preporukama ENTSO-E, generalni direktor Nezavisnog operatora sistema u Bosni i Hercegovini je dana 01.06.2021. donio

PRAVILNIK
o radu komisije za reviziju rezultata testova usaglašenosti rada objekata korisnika priključenih na elektroprijenosnu mrežu

Član 1.

Ovim pravilnikom se uređuje rad komisije za reviziju rezultata testova usaglašenosti rada objekata korisnika priključenih na elektroprijenosnu mrežu BiH, kao i procedure koje prethode radu komisije za reviziju.

Član 2.

(1) Testovi usaglašenosti pripremljeni su u skladu sa pravilima i preporukama ENTSO-E te Mrežnim kodeksom BiH.

(2) Testovi usaglašenosti iz stava (1) ovog člana nalaze se u prilogu ovog pravilnika i čine njegov sastavni dio.

Član 3.

(1) U skladu sa Mrežnim kodeksom testovi usaglašenosti provode se tokom važenja privremene saglasnosti za pogon, u cilju dobijanja saglasnosti za trajni pogon.

(2) Testovi usaglašenosti provode se i nakon bilo kog kvara ili zamjene opreme koja može imati uticaj na usaglašenost, kao i tokom životnog vijeka objekta korisnika, na opravdan zahtjev NOSBiH-a.

Član 4.

(1) Testove usaglašenosti vrši:

- a) pravni subjekt, fizičko lice ili više njih – specijalista, eksperata, koje je angažovao korisnik
- b) sam korisnik, ukoliko se u okviru svoje registrovane djelatnosti bavi istim ili sličnim ispitivanjima rada elektroenergetskih, proizvodnih ili potrošačkih objekata priključenih na prijenosnu mrežu.

(2) Korisnik je obavezan da od NOSBiH-a zatraži saglasnost za angažovanje subjekta koji će provoditi testove usaglašenosti te da dostavi odgovarajuće dokaze i potvrde o

njegovoj osposobljenosti za obavljanje takvih testiranja (rješenje o djelatnosti, licence, liste referencija).

Član 5.

Nakon obavljenih testova usaglašenosti, korisnik NOSBiH-u mora dostaviti ovjeren izvještaj subjekta koji je te testove proveo.

Član 6.

U izvještaju su moguća izuzeća od pojedinih testova iz člana 2. ovog pravilnika, uz argumentovano obrazloženje.

Član 7.

Generalni direktor NOSBiH-a svojim rješenjem imenuje članove komisije za reviziju izvještaja o provedenim testovima usaglašenosti koju čine predstavnici NOSBiH-a.

Član 8.

Na zahtjev NOSBiH-a, korisnik je obavezan da omogući učešće predstavnika NOSBiH-a u provođenju testova usaglašenosti, kako na lokaciji testiranja, tako i daljinski iz nadležnog dispečerskog centra.

Član 9.

Komisija za reviziju treba donijeti odgovarajuće zaključke i dati svoje mišljenje o rezultatima testiranja, koje može biti pozitivno ili negativno. Ukoliko je potrebno, članovi komisije, predstavnici korisnika i subjekta ovlaštenog za provođenje testova usaglašenosti mogu organizovati sastanak s ciljem pojašnjenja određenih rezultata testova ili razloga za eventualno ponovno provođenje određenih testova, ukoliko je komisija izrazila negativno mišljenje.

Član 10.

Konačno mišljenje o izvještaju o provedenim testovima komisija u pisanoj formi dostavlja korisniku i stručnom subjektu koji je obavio testove usaglašenosti, najkasnije 15 dana od dana prijema tog izvještaja.

Član 11.

- (1) Na osnovu pozitivnog mišljenja komisije za reviziju i ispunjavanja preostalih odredbi iz Mrežnog kodeksa NOSBiH će korisniku izdati saglasnost za trajni pogon.
- (2) Ukoliko je komisija za reviziju dala negativno mišljenje, korisniku će biti ostavljen odgovarajući rok za ponovno obavljanje testova usaglašenosti, kako bi se otklonili nedostaci navedeni u primjedbama komisije za reviziju.

Član 12.

Donošenjem ovog pravilnika prestaje da važi Pravilnik o radu komisije za reviziju rezultata testova usaglašenosti rada proizvodnih objekata na elektroprijenosnoj mreži broj: 133-1/18 od 25.01.2018.godine.

Član 13.

Ovaj pravilnik stupa na snagu danom donošenja i objavljuje se na web stranici NOSBiH-a.

Broj: 612-1/21

Datum: 01.06.2021.



Generalni direktor
dr. Milodrag Košarac